



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

continens Impedimenta Et Adjumenta Æternæ beatitudinis

Dirckinck, Johann

Coloniae Agrippinae, 1713

20. Medium VII. Scala æternitatis.

[urn:nbn:de:hbz:466:1-50716](https://nbn-resolving.org/urn:nbn:de:hbz:466:1-50716)

CONSIDERATIO XX,

Medium VII. Aeternae Salutis.

Scala aeternitatis.

*Vidit [Jacob] in somnis scalam stantem
super terram & cacumen illius tangens
caelum. Gen. c. 28. 12.*

27. Novembris.

I. **C**Oelum excelsum & valde elevatum est, ideoque ad ascendendum in illud; Scalis opus est. Sed quae nam illae? Variæ sunt, per scalam Jacob adumbratae, per quam Angeli ascendebant & descendebant, cujus summitate Deus innitebatur; variasque scalas, symbolice, allegoricè & tropologicè significat. Primò scala hæc, ex mente Vatabli & Ruperti, Incarnationem Verbi, generationem Christi, ex Jacob nasciturum, & descensurum per varios gradus, per generationes, usque ad S. Joseph cum Beatissima Virgine, repræsentat. Deinde hujus scalæ latera sunt misericordia & Veritas. Scala hæc tangit terram, quia Verbum incarnatum est in terra, eamque

terigit ac benedixit: tangit & cælum, quia
Christus est Filius Dei. Descendunt per
eam Angeli, ut mysterium incarnationis
hominibus annuntient: iidem ascen-
dunt, ut Patriarcharum desideria & ora-
tiones ad Deum ferant. Prima igitur sca-
la nostra, per quam ad æternitatem bea-
tam, omnibus nobis ascendendum est,
Christus est. Quia: *Nemo venit ad Pa-
trem, nisi per Filium.* Joan. c. 14. 6.

II. Scala Jacob secundò significat
crucem Christi Domini: de qua S. Au-
gustinus serm. 79. ait: *Dominus scala in-
cumbens est Christus in cruce pendens.*
Cruz est scala & via, per quam Christus
& omnes Christiani in cælum conscen-
derunt, indiesque conscendunt. In Mar-
tyrio S. Perpetuæ & Felicitatis 7. Martii
(quarum fortitudinem S. Augustinus in
psal. 47. & alibi sæpe celebrat) legitur,
illas omen & indicium Martyrii, acce-
pisse à Deo per scalam; cum enim in car-
cere captivæ tenerentur, conspexit S.
Perpetua in visione scalam auream, è ter-
ra in cælum se porrigentem, multis gla-
diis munitam, ita ut nemo absque læsione

K f

vide

224 *Domus eternitatis. Consideratio*
videretur posse ascendere: ascenderunt
tamen Anno Domini 205. Secunda igitur
ad æternitatem beatam scala est, crux
sine qua nemo ascendit: *Ambula ubi vis
quere quodcumque volueris, & non
venies altiorem viam supra, nec securum
rem infra nisi viam sanctæ Crucis.* Thom.
Kemp. L. 2. c. 12.

III. Scala Jacob tertio repræsentat
Beatissimam Virginem Mariam, qua
litanis suis, *scala Jacob* nuncupatur. Sed
quoque eam appellat S. Bernardus sermo
de B. Maria p. 394. *Hæc est scala Jacob
qua duodecim gradus habet, inter duo latera.
Dexterum latus est contemptus
usque ad amorem Dei: Sinistrum contemp
tus mundi, usque ad amorem regni. Alce
siones hujus, duodecim humilitatis gra
dus sunt. 1. Odium peccati. 2. Fuga
licti. 3. Metus odii. 4. In omnibus
esse Creatori. 5. Obedere meliori. 6. Ob
d re compari. 7. Obsequi inferiori.
Subesse sibi. 9. Finem suum jugiter
ditari. 10. Opera sua semper vereri. 11.
Cogitationes suas humiliter confiteri.
12. Per omnia ad nutum Domini*

veri. Hæc igitur tertia scala beatæ æternitatis est: Per hos gradus ascendunt Angeli & sublimantur homines, atque ita in Domo Patris accipiunt lucidas mansiones.

Aspirationes.

O Jesu incarnate, scala salutis nostræ! *Nemo ascendit in calum, nisi qui descendit de calo.* Joan. c. 3. 13. Qui es tu ipse: & nemo nostrum ascendit in cælum, nisi per te: esto igitur scala nostra ad beatam æternitatem. O Jesu Crucifixe! qui per crucem & passionem tuam, debuisti intrare in gloriam tuam, duc & me per scalam crucis & viam passionis; quia nulla via est securior. O Maria scala Jacob! intercessione tuâ potenti, gratiam mihi uberem impetra, ut per veram humilitatem, ejusque gradus, in cælum ascendere merear; neque enim est via tutior ulla. Scriptum est enim: *Qui se humiliat, exaltabitur.* Lucæ c. 14. 11.

28. Novembris.

Scala Jacob, quartò adumbrat Decalogum; qui, quot mandata seu

K 6

præ-

226 *Domus eternitatis. Consideratio*
præcepta Domini, tot quasi gradus con-
tinet, per quos, omnes tam antiqua,
quàm novæ Legis sectatores ad æterni-
tatem beatam ascenderunt, & hodie dum
ascendunt. Bina scilicet latera sunt *timor*
& *amor*. *Timor*, ideo in monte inter ig-
nes & tonitrua, Moysi mandata porre-
cta sunt. *Amor*, quia ex amore Dei erga no-
data; atque ad amorem Dei ac proxim-
nos deducunt. Per hanc scalam, omnes
& Ecclesiastici & Religiosi, & sæculares,
quotquot salutem æternam desiderant,
velut Angeli in cælum conscendere de-
bent: *Si vis ad vitam ingredi, serva man-
data. Matth. c. 19. 17.*

II. Scala Jacob quintò ex sensu S. Be-
nardi, in illud *Ecce nos*: est disciplina re-
ligiosa, seu Regula Ordinis, v.g. quæ de-
lectus Domini Benedictus, & alii alce-
dente in cælum. Duo latera sunt, mentis
humilitas, & vitæ asperitas. Gradus sunt
variæ regulæ, nec non virtutum theo-
gicarum & moralium actus. Scala hæc
est arcta; quia *arcta via est, quæ ducit ad
cælum*. In hac ascendunt Angeli, virtu-
tum religiosarum actus Deo offerendo
delecta

descendunt Angeli ad vicissim deferendo Religiosis munera ac beneficia. Ei porò incumbit Deus, cujus gratia & auxilio omnia nituntur, sustentantur ac tenentur, ne cadant: estque ipse ascendentibus firmamentum, pervenientibus, in fine præmium. *Verè non est hìc aliud nisi Domus Dei & porta cali. l.c.*

III. Scala Jacob. Sextò ex sententia S. Basilii in psal. 1. [quæ ferè cum S. Bernardi expositione convenit] est ascensus ad perfectionem. Culmen hujus scalæ est Charitas, gradus sunt, decem gradus abrenuntiationis. Quorum 1. est, abnegare terrena. 2. Eadem oblivisci. 3. Eadem ut tercora odisse. 4. Peccatum & cognatorum amorem inordinatum exuere. 5. Odisse animam suam, propter Christum. 6. Abnegare proprium judicium & voluntatem. 7. Semper mortificare suas cupiditates. 8. Sequi Christum, & discere ab eo, quia mitis est & humilis corde. 9. Amare constanter & efficaciter proximos, etiam inimicos. 10. In quo Dominus visus est, est adhærere Deo, ei-que in uno spiritu uniri. In hac scala non

218 *Domus eternitatis. Consideratio*
fistitur, sed vel ascenditur proficiendo,
vel deficiendo descenditur: quodque hic
in hac vita negligitur; tota æternitas
non recuperatur.

Adhortatio.

O Christiane! Ne recuses per De-
logi scalam ascendere, ut ad Deum
scalæ innixum merearis pervenire. O Re-
ligiose, ascende per scalam tuæ sanctæ
regulæ, per scalam paupertatis, castitatis
& obedientiæ; ut merearis centuplum
recipere & vitam æternam possidere. O
perfectionis amator, ascende alacris
per scalam perfectionis; curre per gra-
dus viæ incipientium, proficientium
perfectorum. Noli unquam stare; qui
non progredi, regredi est, veluti accipiter
naviganti in flumine, quin potius, cum
strenuè de virtute in virtutem; ut ad cul-
men perfectionis, ac deinde ad metam
beatæ æternitatis, valeas pertingere.

29. *Novembris.*

I. Scala Jacob septimò, est scala æte-
nitatis, quæ, ut docet Tertullianus

L. 3. Contra Marcionem; *Est via, quâ
 iusti ascensiones in corde suo disponunt in
 calum.* Scalam hanc ascendimus, dum
 mente à terrenis ad cœlestia cor eleva-
 mus. Per eam descendimus, dum ad in-
 ferna nos mente demittimus; ut vel spem
 & amorem beatæ, vel timorem, odium-
 que damnatæ æternitatis in nobis exci-
 temus. Primò itaque ascensiones in cor-
 de tuo dispone, à visibilibus ad invisibi-
 lia ascendendo: praxi sequente. Si vide-
 ris quandoque solem meridianum, splen-
 do eius omnium oculos, animosque
 recreantem; mox mentis oculos ad Con-
 ditoris tui pulchritudinem ac Majesta-
 tem erige; eam suspice, admirare, ama &
 lauda. Si Regem conspexeris auro &
 purpurâ fulgentem; mox Christi Regis
 Regum recordare, ejusque decorem &
 Majestatem, millies augustiorem, venera-
 re. Si quando homines formosos offen-
 deris, animam ad Angelos & Sanctos e-
 leva, sole ipso millies pulchriores. Pari-
 modo, à palatio regio ad cælum, ex hor-
 to elegante ad paradisum; à cibo dulci
 ad manna divinum; à musica hominum
 ad

230 *Domus aternitatis. Consideratio*
ad harmoniam Angelorum, ascensionem
in corde tuo dispone: sic excitabitur in te
spes & amor, & ibitur de virtute in virtu-
tem, & videbitur Deus Deorum in Sion,

II. Aliàs etiam descensionem in corde
tuo dispone, & in infernum vivens de-
cende. Suadet id S. Chrysoſtomus Ep
5. ad Theod. dicens: *Ab experimento*
rum tenuium, de magnis conjecturam
pe. Si quandoque in balneo fueris nimis
effervescente; tum gehenna recordeberis.
Et rursus, si quando febre acriore con-
graveris; ad flammam que illic est, prop-
dere. Si enim balneum & febris adeo
afflictant, quo animo futuri sumus, quan-
do in fluvium ignis infernalis incidemus.
Pari modo cum Tyrannos irâ furentem
conspexeris; Dæmones furibundos
imaginare. Si fornaces lateritias, vitriarias,
succensas flammantem
intuitus fueris, clibani tartarei recorde-
re, millies ardentioris. Si fulmen, sine
nitru horrendum, ejusque fragores ter-
ribiles inaudieris; telum illud fulmineum
cogita, quod Divina Justitia, in die
dicii in capita reproborum contorquetur.

bit, nec contorquere cessabit totâ æternitate. Væ væ illis, qui telo huic capita subdicere cogentur!

III. Si aliquando noctem à curis fodicantibus insomnem, vel ab infestante calculo, urente podagrâ, torminum, dentiûmve doloribus turbatam experiêre, & nox illa instar hebdomadis, mensis, vel anni longa videatur. Cogita, quid si nox illa doloribus plena duraret centum annis? quid si mille? Quid si mille millionibus annorum? Et quid sunt hæc ad noctem æternam, omni fine ac diluculo carentem? O quàm longa! quàm acerba, quàm terribilis nox! Si hâc ratione descenderis vivens, non descendes in orbem cum moriens. *Nullus enim qui gehennam habet ante oculos incidet in gehennam.* S. Chrysost. hom. 2. in ep. 2. ad Thess.

Ahortatio.

Ecce, mi Lector, unam scalam tibi fabricare & offerre paravam, & septenas obtuli; nisi ex septenis, velut totidem gradibus, fabricare mâlis unam. Utere eis frequenter; ascensiones in corde tuo

232 *Domus aternitatis. Consideratio*
de tuo dispone; eisque repetendis allue-
ce: sic spe elevaberis, solatio repleberis,
amore caelestium accenderis. Non rari-
etiam descende vivens, ad lustranda re-
proborum supplicia; neque cogitatio-
nes hasce velut tetricas aut melancholicas
repelle: audi enim Chrylustomum
dicentem; *Dum volunt se recreare, et
sciuntque ut gehenna non meminerint, et
hanc securitatem, metusque vanitatem
in magnum interitus barathrum, se
prudentes immittunt. Et ideo rogo, ut
gehenna memineris, de gehenna loquens.*
*Quid gehennam gravius? sed ejus metus
nil utilius: gehenna namque timor,
qui nobis affert coronam. In psal. 111.
hom. 15. ad pop.*

CONSIDERATIO XXI.

Medium VIII, Aeternae Salutis.

Unicè agere negotium aeternitatis.

Porro unum est necessarium, Lucae c. 10.

30. Novembris.

I. **C**onsidera, quodnam sit illud
num, ad salutem aeternam necesse